

doylete Ladung / vnnnd wurde die Kuglen die 1280. Schüß
mögen erreichen / wenn du den Mörzel mit dem Instrument
auff die 16. puncten gericht hast.



Das vierde Capitel.

Wie man ein Böler oder Mörzel / so ein
Kammer oder Pulversack hat / laden / richten
vnnnd schiessen sol.

Wenn du ein Mörzel wilt laden /
so wuß das er ein Kammer hat / so du nun die
obgemelte Ladung Pulver zu den Stein-
kuglen darein thust / so wirdt solche Kammer
bey weitem nienen voll Pulver / so du aber ein
Feurkuglen auß dem Mörzel schiessen wilt / so wirdt vil mehr
Pulver zur Ladung gebrauche / vnnnd das von deswegen das
die Feurkuglen vil schwerer ist / dann die Steinkuglen / so wirdt
der erfahren Büchsenmeister / in der obgeschribnen Tafel im
vorigenden Capitel / von der Ladung wol wissen abzuehen
des gewichts halben / das sie auch an das begerte ort fallen wirt.
Zum ersten so du den Mörzel laden wilt so stosse vor al-
len dingen / die Kamrnadel in das Blindloch des Bölers / auff
das es offen bleybe / als dann thu das abgewegen Pulver / wie
vil dann sich hinder die Kugel zu laden gebürt / in den Pulver-
sack / darauff stosse / oder sese wol hart Gras / oder Hönw
den Pulversack voll auß / vnnnd nach mehr darein / das die Kus-
gel satt vnnnd eben darauff ligen möge / die lege ordenlichen
hinein / vnnnd verdamme sie gar wol vnnnd vest oben / das sie
just in der mitte des Mörzels lige.

Damit